

UDRUŽENJE POSLODAVACA U FBIH

SARAJEVO

Z A P I S N I K

sa XIV redovne Skupštine Udruženja poslodavaca u FBIH, održane dana 11.03.2015. godine u 11:30 sati, u „Hoteli Ilidža- Kongresni centar Terme“ u Sarajevu.

Skupštinu je otvorio Predsjednik Skupštine, Zoran Gazibarić i uputio uvodnu riječ dobrodošlice prisutnim članovima Skupštine. Predsjedavajući je uputio posebne pozdrave gostima koji su prisustvovali na Skupštini.

Prije nego što je Predsjedavajući Skupštine predložio dnevni red, zamolio je goste da se obrate. Članovima Skupštine su se obratili g. Fadil Novalić, novi mandatar Vlade FBIH, zatim g. Erdal Trhulj, ministar energije, rudarstva i industrije, Lidija Bradara, predsjedavajuća Doma naroda Parlamenta FBiH, Bruno Bojić, potpredsjednik Vanjskotrgovinske komore BiH, Željko Šain, dekan Ekonomskog fakulteta Univerziteta u Sarajevu, Edhem Biber, predsjedavajući Ekonomsko-socijalnog vijeća za teritorij FBiH, Nihad Imamović, bivši predsjednik UO UPFBiH, te Tomislav Grizelj, prvi predsjednik U.O. UP FBiH.

Predsjednik Skupštine je također upoznao prisutne da je UPFBiH dobilo pisma podrška od Nermina Nikšića, Premijera Vlade FBiH, Edwarda Fergusona, Ambasadora Velike Britanije, koji su također bili pozvani da budu gosti Skupštine nisu došli, te predsjednika SSSBIH Ismeta Bajramovića i predsjednika Unije Udruženja RS, Dragutina Škrebića. Predsjedavajući Skupštine je pročitao dopise.

Predsjedavajući je prema listi prisutnih utvrdio da je na ovoj Skupštini prisutno 57 članova. Obzirom da je kvorum za rad 40 prisutnih članova Skupštine, Predsjedavajući je konstatovao da Skupština može punovažno odlučivati.

Predsjedavajući Skupštine je predložio sljedeći:

D N E V N I R E D

- 1. Izbor verifikacione komisije, zapisničara i ovjerivača zapisnika;**
- 2. Razmatranje i usvajanje zapisnika sa XIII redovne Skupštine UP FBiH;**
- 3. Razmatranje i usvajanje;**
 - a. Prijedloga Izvještaja o radu UP FBiH za 2014. godinu (izvjestioc: Safudin Čengić, predsjednik UO);
 - b. Prijedloga Izvještaja delegacije ESV- a za 2014. godinu (izvjestioc: Safudin Čengić, predsjednik UO);
 - c. Prijedloga Finansijskog izvještaja UPFBiH za 2014. godinu (izvjestioc: Mladen

Pandurević, direktor UP FBiH);

d. Prijedloga Programa rada UP FBiH za 2015. godinu (izvjestioc Safudin Čengić, predsjednik UO);

e. Prijedloga Finansijskog plana UPFBiH za 2015. godinu (izvjestioc: Mladen Pandurević, direktor UP FBiH);

4. Razmatranje i usvajanje Prijedloga Statuta o izmjenama i dopunama Statuta UP FBiH

(izvjestioc: Mladen Pandurević, direktor UP FBiH);

5. Razmatranje i usvajanje prijedloga:

a) verifikacija dva člana Upravnog odbora UP FBiH koji su kooptirani u periodu između dvije Skupštine UP FBiH;

b) izbor pet delegata za Skupštinu AP BiH

6. Razno

Predsjedavajući Skupštine je upoznao prisutne da su za sve tačke dnevnog reda dobili materijale i zamolio prisutne da se izjasne da li prihvataju predloženi dnevni red.

ZAKLJUČAK: Dnevni red je jednoglasno usvojen.

RASPRAVA PO TAČKAMA DNEVNOG REDA

I tačka- Izbor verifikacione komisije, zapisničara i ovjerivača zapisnika

Za članove komisije predlažu se Vesna Smajlović i Ilda Jugo.

Prijedlog za zapisničara je Mersiha Jusić, Sekretar UPFBiH.

Za ovjerivače zapisnika predlažu se: Željko Marijanović i Sulejman Haračić.

ZAKLJUČAK: Obzirom da nije bilo novih prijedloga, prijedlozi da se za članove verifikacione komisije imenuju Vesna Smajlović i Ilda Jugo, za zapisničara Mersiha Jusić, te ovjerivače zapisnika Željko Marijanović i Sulejman Haračić, su jednoglasno usvojeni.

II tačka - Razmatranje i usvajanje zapisnika sa 13. redovne Skupštine Udruženja poslodavaca u Federaciji BiH

Predsjedavajući je napomenuo da su svi dobili zapisnik u materijalima i stavio zapisnik na glasanje, te zamolio prisutne da daju svoje primjedbe.

ZAKLJUČAK: Zapisnik jednoglasno usvojen u predloženom obliku.

III tačka- Razmatranje i usvajanje;

a. Prijedloga Izvještaja o radu UP FBiH za 2014. godinu (izvjestioc: Safudin Čengić, predsjednik UO);

b. Prijedloga Izvještaja delegacije ESV- a za 2014. godinu, (izvjestioc: Safudin Čengić, predsjednik UO);

c. Prijedloga Finansijskog izvještaja UPFBiH za 2014. godinu, (izvjestioc: Mladen

- Pandurević, direktor UP FBiH);
- d. Prijedloga Programa rada UP FBiH za 2015. godinu, (izvjestioc Safudin Čengić, predsjednik UO);
 - e. Prijedloga Finansijskog plana UPFBiH za 2015. godinu, (izvjestioc: Mladen Pandurević, direktor UP FBiH);

Predsjedavajući je predložio da podtačke a) do e) razmatraju zajedno a nakon toga da se izvrši pojedinačno izjašnjavanje o svakoj od njih.

Predsjedavajući je pozvao g. Safudina Čengića, predsjednika U.O. UPFBiH da izvjesti prisutne o podtačkama 3a, 3b i 3d g. Mladena Pandurevića da izvjestite prisutne o podtačkama 3c i 3e dnevnog reda.

Safudin Čengić je izvjestio prisutne o podtačkama 3a, 3b i 3d, a gđin. Mladen Pandurević je izvjestio prisutne o podtačkama 3c i 3e dnevnog reda.

Nakon izvještavanja prisutnih od strane izvjestioca, Predsjedavajući Skupštine je otvorio diskusiju. U diskusiji u učestvovali prisutni članovi.

Nakon diskusije predsjedavajući Skupštine je stavio Prijedloge materijala na glasanje.

ZAKLJUČAK: Nakon pojedinačnog glasanja za svaki od dokumenata, Predsjedavajući Skupštine je konstatovao:

- a) Izvještaj o radu UPFBiH za 2014. godinu je jednoglasno usvojen u predloženom obliku.**
- b) Izvještaj o radu ESV-a za teritoriju FBiH za 2014. godinu jednoglasno usvojen u predloženom obliku.**
- c) Finansijski izvještaj UPFBiH za 2014. godinu je jednoglasno usvojen u predloženom obliku.**
- d) Programa rada UPFBiH za 2015. godinu jednoglasno usvojen u predloženom obliku.**
- e) Finansijski plan za 2015. godinu jednoglasno usvojen u predloženom obliku.**

IV tačka - Prijedloga Statuta o izmjenama i dopunama Statuta;

Vezano za ovu tačku dnevnog reda Predsjedavajući Skupštine je napomenuo da su svi dobili materijale. Pozvao je gospodina Mladena Pandurevića da izvjesti prisutne o ovoj tački dnevnog reda.

Gđin. Pandurević je upoznao prisutne da se predloženim izmjenama između ostalog briše postojeći član 18. koji se odnosi na mirovanje članstva, povećava se broj članova UO sa 15 na 21, te da se uvodi novi organ Izvršni odbor.

Prijedlog Izmjena i dopuna Statuta glasi:

Član 1.

U Satutu Udruženja poslodavca u FBiH od 09.04.2014. godine, član 18 se briše. Postojeći članovi se pomjeraju za jedan broj unazad.

Član 2.

U član 21. iza tačke b) dodaje se nova tačka c) koja glasi:

c) Izvršni odbor.

Dosadašnje tačke c) i d) postaju tačke d) i e)

Član 3.

Član 29. mijenja se i glasi:

Upravni odbor je organ Udruženja zadužen da donosi odluke i provodi aktivnosti Udruženja između dvije redovne sjednice Skupštine, a sve u skladu sa programom rada, finansijskim planom i odlukama Skupštine.

Predsjednik Upravnog odbora saziva i predsjedava sjednicama ovog organa.

Sjednice Upravnog odbora održavaju se prema potrebi a najmanje jednom u tri mjeseca.

Za svoj rad Upravni odbor odgovara Skupštini.

Član 4.

U članu 30 u stavu 1. broj „15“ zamjenjuje se brojem „21“.

Član 5.

Iza člana 35. dodaje se poglavlje VI/3 Izvršni odbor i novi članovi 36., 37., 38. i 39. koji glase:

Član 36.

Izvršni odbor je tijelo upravljanja koje rukovodi radom Udruženja između dvije sjednice Upravnog odbora.

Član 37.

Izvršni odbor ima sljedeće nadležnosti:

a) Provodi politiku, zaključke i druge odluke koje je donio Upravni odbor;

b) Rukovodi između dvije sjednice Upravnog odbora i donosi Odluke iz nadležnosti Upravnog odbora;

c) osniva ad hoc komisije za obradu i razmatranje pojedinih aktuelnih pitanja od značaja za Udruženje;

d) Predlaže predstavnike Udruženja u druge institucije, organe i tijela;

e) Predlaže formiranje grupacija u Udruženju;

f) Razmatra i odlučuje o prijedlozima koje dostavi direktor;

g) Obavlja i druge poslove koji nisu stavljeni u nadležnost nekom drugom tijelu Udruženja.

Odluke koje donosi Izvršni odbor iz nadležnosti Upravnog odbora moraju se potvrditi na prvoj narednoj sjednici Upravnog odbora.

Član 38.

Izvršni odbor broji sedam članova a čine ga predsjednik, dva potpredsjednika i četiri (4) člana Upravnog odbora.

Članove Izvršnog odbora imenjuje Upravni odbor Udruženja poslodavaca FBiH.

Predsjednik Upravnog odbora i dva potpredsjednika Upravnog odbora su po svojoj funkciji predsjednici i potpredsjednici Izvršnog odbora UPFBiH.

Mandat članova Izvršnog odbora traje četiri (4) godine.

Prvi mandat članova Izvršnog odbora traje do isteka postojećeg mandata članova Upravnog odbora Udruženja.

Ista osoba može biti izabrana za člana Izvršnog odbora najviše dva puta uzastopno.

Član 39.

Predsjednik Izvršnog odbora saziva sjednice i istim predsjedava.

Izvršni odbor sastaje se po potrebi a najmanje jednom mjesečno. Vanredna sjednica može se sazvati na zahtjev jedne trećine (1/3) članova Upravnog odbora, jedne trećine (1/3) članova Izvršnog odbora ili direktora UPFBiH navodeći pitanja koja je potrebno riješiti.

Izvršni odbor može odlučivati ako je sjednici prisutna većina članova Izvršnog odbora. Odluke se donose većinom glasova prisutnih članova, ako ovim Statutom ili drugim općim aktom nije drugačije određeno.

Izvršni odbor djeluje u skladu sa Poslovníkom o svome radu.

Dosadašnja poglavlja VI/3, VI/4 i VI/5 postaju VI/4, VI/5 i VI/6.

Član 6.

Član 45. mijenja se i glasi:

Udruženje poslodavaca FBiH, prema potrebi, a u cilju funkcionalne organizacije, unaprijeđenja rada, zastupanja i zaštite interesa članova Udruženja može osnovati Grupacije i to:

- po osnovu djelatnosti,
- po teritorijalnom principu.

Grupacije po osnovu djelatnosti osnivaju se na inicijativu članova koje se bave tom djelatnosti.

Grupacije po teritorijalnom principu osnivaju se za područje: kantona, opštine ili grada.

Osnivaju se na inicijativu: članica sa jednog područja ili UO UPFBiH.

Odluku o formiranju grupacija donosi Upravni odbor.

Član 7.

Dosadašnji članovi Statuta od 35.- 61 postaju članovi od 40.-65.

Član 8.

Izmjene i dopune Statuta stupaju na snagu danom donošenja a primjenjivat će se sa danom upisa u Registar Udruženja.

Gdin. Gazibarić se zahvalio gdinu Pandureviću i otvorio diskusiju u kojoj su učestvovali članovi Skupštine koji su dali podršku izmjenama.

ZAKLJUČAK: Obzirom da nije bilo primjedbi od strane prisutnih, nakon glasanja konstatovano je da je Prijedlog Statuta o izmjenama i dopunama Statuta UP FBiH, jednoglasno usvojen u predloženom obliku.

V tačka- Razmatranje i usvajanje prijedloga:

- a) verifikacija dva člana Upravnog odbora UP FBiH koji su kooptirani u periodu između dvije Skupštine UP FBiH;
- b) izbor pet delegata za Skupštinu AP BiH.

Takča a) verifikacija dva člana Upravnog odbora UP FBiH koji su kooptirani u periodu između dvije Skupštine UP FBiH;

Predsjednik Skupštine je zamolio gospodina Pandurevića da izvjesti prisutne o ovim prijedlozima. Također je napomenuo da se se prilikom predlaganja Kandidata u skladu sa Statutom vodilo računa da se obezbjedi što ravnomjernija zastupljenost po osnovu reprezentativnosti i djelatnosti članova, te regionalna, nacionalna i spolna zastupljenost.

Gdin Pandurević je obavijestio prisutne da je Upravni odbor je na svojoj 22. sjednici koja je održana 23.09.2014. godine donio Odluku o imenovanju Josipa Milasa za člana UO. Budući da je dotadašnji član Upravnog odbora Josip Vukadin preminuo te da mu je na taj način prestao mandat UO je u skladu sa Statutom imenovao novog člana UO. Upravni odbor UPFBiH je donio Odluku u skladu sa članom 34. i 35. Statuta Udruženja poslodavaca. Ovu Odluku treba verifikirati Skupština.

Vezano za verifikaciju Odluke drugog člana UO gdn Pandurević je obavijestio prisutne da Udruženje/Udruga privrednika „Biznis centar“ Jelah-Tešan se obratila sa prijedlogom za imenovanje novog člana UO u UPFBiH, obzirom da je dosadašnji član Smail Ramović, penzionisan. Za novog člana Upravnog odbora, UO Udruženja privrednika Tešanj je predložio Muharema Sejdića. UO je u skladu sa Statutom donio Odluku o imenovanju koju treba verifikirati Skupština.

Nakon obrazloženja gdn. Pandurevića Odluke su stavljene na glasanje.

ZAKLJUČAK: Obzirom da nije bilo primjedbi od strane prisutnih Odluke o verifikaciji Odluke UO o imenovanju članova UO gdn. Josipa Milasa I Muharema Sejdića su jednoglasno usvojene.

Predsjedavajući Skupštine je čestito članovima UO na izabranim funkcijama.

Tačka b) izbor pet delegata za Skupštinu AP BiH

Predsjedavajući je upoznao prisutne da su u toku aktivnosti vezano za organizovanje Skupštine Asocijacije poslodavaca BiH te da u skladu sa Statutom Skupština UPFBiH treba predložiti predstavnike UPFBiH za Skupštinu APBiH. S tim u vezi prijedlog je da se ispred UPFBiH za pet (5) predstavnika za Skupštinu Asocijacije poslodavaca BiH imenuju:

1. Muhamed Šaćiragić,
2. Hamdo Katica,
3. Petar Ćorluka,
4. Enes Čengi i
5. Mladen Pandurević,

Ukoliko neko od imenovanih delegata bude spriječen da prisustvuje Skupštini imenuju se 4. zamjenika delegata Skupštine i to:

1. Mirsa Tuće

2. Edin Ibrahimpašić,
3. Tomislav Slišković i
4. Dževad Opardija

VI tačka - Razno

Po ovoj tački dnevnog reda nije bilo diskusije.

Sjednica je završila u 14:15 časova.

Zapisnik sačinila

Mersiha Jusić

Predsjednik Skupštine

Zoran Gazibarić

Ovjerivači zapisnika

Željko Marjanović

Sulejman Haračić